

محل مطبعه و اداره :

جفـال اوغلانده امنيت
صندوغي جوارنده
شنكول يقوشنده
۲۲ نومرو

مستطابق

اظـار :

مسلكمزه . و افق آثار
جدیدہ مع الممنونیه
قبول اولنور

درج ایدلمه یں آثار اعاده اولنماز

دیرہ ، فلسفہ ، علوم ، حقوق ، ادبیات تاریخ ، و سیاسیاندرہ و بالخاصہ احوال و شئونہ اسلامیدرہ بحث ایدر و هفته درہ بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلمه دن مقوا بورو ایله کوندربیلیرسه سنوی

۲۰ غروش فضلہ آلتیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۲۹ ذی القعدہ پنجشنبہ ۱۸ تشرین ثانی ۳۲۶

عدد : ۱۱۷

اوت ، اسلاو اتحادینک قوه دن فعله چقمسی ممکندر . چونکه اسلاولرک هربری مستقلدر، حردر ، منفعتلری برلشدیکی زمان اتفاق ایده بیلیرلر . لکن بویله بر حال عالم اسلام ایچون فصل امید اولنه بیلیر — عنایت حق ایله مصون قالان بر ، ایکیسی مستثنی طو تولدینی حالده — بتون اقوام اسلامیة مختلف اجنبی تحکمی آلتنده بولنیور؟ . ایشته اوروپا سیاسیوننک اوهامنی آلت اوست ایده جک اوچ باشی سبب . لکن اوزلر باشلری صیقلدجه ینه اتحاد اسلام سوزینی آغزیدن براقزلر .

یا هو ! آرتق بزی کنندی حالمزه براقکیز . اقوام اسلامیة نك بر برلرینه قارشى بر نظر مودت عطف ایتلرینی جنایت صورتنده تلقی ایده رک انتقامه قالدیشمایکیز . زیرا اونلرده بو نظریدن باشقه برشی براقادیکنز . حالبوکه حسیات قلبیه به تحکم کیسه ایچون قابل اولماق لازمدر . سز ظنه قایلنیورسکیز ، ظن ایسه یقینک ، حقک حضورنده هیچ بر موقع طوتهماز .

آنا تولیدن نه سس کلیور ؟

بزم اصل آنا وطن ، آنا آتا ایلی ، آنا تولیدر . ما کیدونیا فلان ابله اوغراشیرکن چوقلق آنا تولی ای اونودیوروز . طبیعتمزدر : مملکتک بریری خسته لماندن ، حفظ الصحنه سنه ردایت ایتیز ، خسته - لاندقندن صوکره تداییه چالیشمق ایسترز ، واکثریا بیلور بیلیمز قان آلمه یه ، حجامت ایتیه ، قالدیشیرز ، اما ، بوتداویده بیله ، هان دائما کچه قلمش اولورز : خسته شفا بونماز ، آنجق خسته ایله مشغول اولورکن ، دیگر طرفلرده خسته لغه طوتیلور ،

شیمدیلک ، بورج باره بولمق ، روم ایلی چته لری صوصدیرمق ، آوروپا افکار عمومیه سنی اوایلماق ، کرید مسأله سنی شویله بر یاموق ایلیکیله باغلایه بیلیمک اوقدر زمانبزی آلیورکه آنا تولی امورندن ، آنا تولی احتیاجاتندن بحث اولنسه ، او هله شویله بر طورسون ، دیوروز . چوغمزک بو آنا وطن حقنده کی افکار ومطالعاتی « آنا طول وار ایمش ، یایوق ایمش ، نه امورک » دستوریه خلاصه اولنه بیلور . لکن ، آنا تولیدن کلن سسلره بر آ ز قولاق ویرسهک ، پک آجی حقیقتلر طویارز . اکثری آرقداشلری کی دالقاووق اولمایان « اسکیشهر » غزته سی صوکه نسجه سننده باقکیز نلر یازیور :

استانبولده یکریمی سکیز بیک نفوسه تام طقسان دانه پولیس اصابت ایدیور . باشقه برلر دها باقیمسزدریا ! بز شواسکی شهری حکایه ایدم : اوتوز آتی بیک نفوسی بولونان واک مختلف انسانلرله مسکون اولان بر چوق یابانچی عمله ، ایش آرایانلرله ، کیمدر ، نه جیدر ، نره لیدر ، خیرلیمی ، شرلیمی اولدقلرینی الاهدن باشقه کیسه نك بیلمدیکی آداملرله طاشه جق درجه ده دولان اون بیک خالک قوص قوجه اسکیشهر قصبه سی ، صرف قضا لکک جزاسی اوله رق ایکی تک ، طوی طوی ایکی تک پولیسه اداره اولونمه محکوم ایدلشدر . ای پایتخت اهالیسی ! ای ولایت ویا لوا ساکنلری ! بزده سزک کی آدم اوغللری بز ، هیمزی یارادان الله بر ، هیمزی اداره ایدن حکومت براینک ، شوسزک امتیازکزه ، بزم یوقصولغمزه سبب نه ؟ خیر سز لرمالیزی

اوطوران دیگر بر مسلمانک حالنه باقسه کز ایکی سنی ده عینی کوره نکه اسیر ، همده آزاد قبول ایتیز بر شوق ایله اسیر کورورسکیز . اوت ایکی سندن ده (انا وجدنا علیه ابانا) صدای اعتراضی ایشیدیرسکیز ! « دیور . بونه آجی بر حقیقتدر !

مسلمانلر بر طرفدن بو تقریط ایله محو اولوب طورورکن صوکه زمانلرده دها مهلک بر افراط میدان آلمایه باشلادی : یکیلک ، هرشیده یکیلک ! اوت اوطورمق ، قالمق ، یمک ایچمک ، سلام ویرمک کی شیلره وارنجیه قدر هر خصوصده یکیلک !

یوزده طقسانمز شتون عالمه قارشى عمای صرف ایچنده قالمش ، یانی باشنده کی ملتلر نه یاپورلر ، نه ایدیورلر ، هیچ کورمیورده حالا اسکیلکنندن برشی فدا ایده میور . یوزده اونمز ایسه او شتونک ششمه سندن او قدر مدهوش اولمش که اسکینی باشدن باشه یقوب آتمدجه قورتولمق قابل دکلدز ، اطمینانی بسایور . دوشونمورکه آتمق ایستدیکی او اسکیلرک ایچنده کنندی موجودیتی ده داخل ! بز نه زمان اسکینی فنا لگندن طولای آتمق ، یکی ده لزومندن ، ایلکنندن طولای آلمق ایسته یجکزه ، بیلیم . اللهم ارنا الاشياء کما هی .

مطبوعات

شرق ، غرب

بو عنوان ایله « اللواء » رفیق محترمده کوردیکمز بر مقاله دن :

بوکون دولتلر آرمسند جاری اولان سیاست عالم اسلامه بیوک بر اهمیت عطف ایدیور . بوکا سببده اولسه اولسه ممالک اسلامیة نك تناولی قولای ، یوتولسی لطیف ، لکن هضمی غایت مشکل لقمه لردن عبارت اولسندن باشقه برشی دکلدز .

بعض محررلر بزی ، کره ارضده متفرق صورتده یشامقده اولان مسلمانلری اتحاد سائق بر وحدت اسلامیة تأسیسنه چالیشمش اولمقله اتهام ایدیور . حالبوکه بو اتحاد سیاسیونک اوهامندن باشقه برشی اوله ماز .

مسلمانلرک جلب قلبی ایچون اوروپا دولتلرینک بر بریله اوغراشمی بویله بر اتحادک عدمنه اک قوی برهاندز . ذاتاً نقاط نظرک ، غایاتک اختلافی ، که بوکون اقطار مختلفه عالمده بولونان مسلمانلر ایش کوچ اولمشدر ، اوزلری اتحاد موفقیتمدن آلیقویه جق یکانه مانعدر .

اوت ، اسلاو اتحادی ایچون بر اتحاد دیه بیلیرز ، زیرا جنسیت اساسی اوزرینه مؤسسدز . جنسیت هر نه قدر رابطه دینه قدر قوتلی اوله مازسه ده بو ملتلرک همان همان بر طور اقدده یشامقده اولدقلری ایچون کونک برنده خیال ایتمکده اولدقلری اتحادک تحقق ایتدیکنی کوره بیلیرلر . حالبوکه عالم اسلام آلابیلدیکسه طاغنیق اولدینی کی برلشمی ده اوقدر مشکلدر .

اوله ایسه بوتلاشلر نه دن ایلری کلیور ؟

نامنه یکی بر شکله صداقت یعنی ایدایی ، یونانستانه بلغارستان آره سنده بر ائتلاف سیاسی عقد ایدایه جکی روایتک تجدیدی .

[مقاله نك التنده د . ك امضاسی وار]

بن طن ایدیوردم که خارجی سیاستمه عائد بو کی مسائل موضوع بحث اولدینی زمانلرده ، کرید مجلس ملیسی اعضای خرسینیاسنه سنک نمایشری یاخود یونانستان - بلغارستان مقارنت محتمله سی کی تفرعات قبیلندن موادی اساس تدقیقات اتخاذ ایتک بیوک بر خطادر ، نه یونانستان ، نه ده بلغارستان بحر سفید و بالقان ایشلرنده بیوک بر رأیه مالک دکلدرلر . بز بیوک رأی صاحبی اولان دولتلر آره سنده کی موقعمه باققی بز ، شوراسنه قطعاً قانع اولمی بز که حقوق و منافعمزك محفوظیتی اوموقعه مربوطدر .

عثمانی سیاستك « استقامت » یکن سنه غزته منده موضوع بحث ایدلش و - بوباده یازدیغمز مقاله لرده - بحرفیبر پولاتیقه منده موقع و رأی قوتی اولور و دولتمزك منافعی ابد منافعی عثمانیه آره منده کی مشابرهت کوسترلشی ایری . خارجی پولاتیقه یه عائد امورده مطبوعاتك حکومتیه ظهیر اولسی مجبوریتی اوزماندنبری بز یومشله اساسیه ایله اشتغالدن منع ایتدی . فقط شمعی وقوعات مشله نك یکیدن موقع تدقیقه وضعنه مجبوریت حاصل ایدیور . بوکونه قدر هیچ برطرفه قارشیی تعهدات قطعیه التنه کیرمه مش اولدیغمز حالده ، اوروپاده هان هیچ کیمسه « بیطرف » اولدیغمزه اینانمور ، دیگر طرفدن « بیطرفلق » پولاتیقه سنك - بزم بولندیغمز موقعده - قابل تطبیق اولدیغنی و منافعمزك ایجاباتی همه حال دولتمزك « سیاست عمومیه ده تعیین موقع ایلمنه لزوم » کوستردیکی تجربیات ایدیور . بوحالده خارجی سیاستك استقامتی - یاخود « معین بر استقامتدن محرومیتی » - مشله سی یکی باشند تدقیق ایدلمی در . مجلس ملیده ایکی کونه قدر آجیله جق مباحثه عمومیه بویله بر تدقیقه پک موادی بروسیله در .

بر یقنی سنه دنبری تفرعاتله اشتغال ایدیوروز : بالقان موازنه سی ، کرید مشله - سی ، استقراض مشله سنك صفحاتی بولنك جله سی تفرعاتدن معدوددر ؟ جله سی ده - بزه سنه - سیاست عمومیه نك تأثیرینه تابع و اوسیاستده طوطدیغمز ، یاخود طوطه جغمز موقعه مربوطدر .

شوراسنی قطعاً آ کلامی بز که بالقانلرده ، بحرفیبدك شمال شرقی و جنوب شرقی حوضه لرنده ، آناتولی حدودنده ، بحراجرده ، ایران حدودنده ، بصره کورفنده بشقه بشقه پولاتیقه لر تعقیب ایدمه یز . بویله « محله منحصر » سیاستك نتیجه سی هر یزده بشقه بشقه ضرر حصوله کتیرمکدن بشقه برشی اوله ماز . بزم سیاستم « برقاچ » اوله ماز ، آنجق « بر » اوله جق در . مختلف محیط لرده تعقیب ایدیکمز خط حرکت بر « آ هنك عمومی » یه تابع بولنلی در . تدقیق ایتلی بز که عجباً شمعی اوله می در ؟

بو کون اوروپاده بری انکلتزه نك ، دیگر المانیانك ریاست معنویه سی التنده ایکی هیئت دولیه واردر . اوچنچی بر هیئت اتفاقیه یاخود ائتلافیه تشکیل ایتک اقتدارمن فوقنده اولدینی کی ، بواکی هیئتك خارجنده قالمق ده منافعمزه مغایردر ، بوحالده هانکی طرفله هم دست وفاق اوله جغمزی ارتق بلاتردد و قطعی بر صورتده تعیین ایتلی بز .

ایلك باقیشده مقاله نك معناسی ؛ یالکز قالمق ای دکل ، اتفاق مثله می ، ائتلاف مثله می ، هر هانکیسی مملکتیمزه دها فائده ل ایه ، اوکاداخل اولمالی یز ، دیمکدن عبارت کی کلور . صاحب مقاله بو ایکی کتله دولیدن ، صانکه بریسنی دیگرینه ترجیح ایتیمور ، ترجیحی خارجیه نظارتنه براقیور ، فقط مقاله بر آ ز دها دقتله اوقولسه هله عین محررك ، بو موضوعه دائر اولجه یازدینی مقاله لرده قار - شیلشدیر یلسه ، ائتلاف مثله تقریب توصیه ایدیلدیکی ، در حال آ کلاشیلور . دیمک ، صباح غزته سی ، دولت عثمانیه نك حال انفرادندن خوشاشلیمور ائتلاف مثله برلشمه یی باب عالی یه توصیه ایدیور ..

چالیور ، متجاوزلر باشیمزه اورویورده ، داها زیاده تعرضلرینه اوغراریز قورقوسیه حکومتیه شکایت ایده میورز . چونکه : تعرض ایدنلرک آوغینانی ، محلی حکومتیزك ده جیلزلی قارشیمزه تجسم ایتدیکه ، شکایتلرمنه قارشیی حکومتیز ، هایدک ایشیکزه کیدک ، الله کزی سه ورسه کز بمله اکله نیورسکز دییه جک صانیورز !

اگر وای بدلا ، آبدال حریفلر وای ! دیمز سه کز ، زبانی یوق ، خاطریکز ایچون سزکله برابر بزده :

یاشاسین مساوات ! دیه باغریشیویرلم ! .. لکین سزده :

« ای ساکنان بزم وطن یاد ایدک کبی »

« غربت اسیری ، درد و بلا میلالری ! »

هم بز غربیلر (فی اوطانهم غرباء !) نوعندن اولدیغمز ایچون شو پریشان حالیمزه ، حقوقجه موس موس مساوی ! بس بس برابر ! اولدیغمز روایت ایدیان سز قرداشلریز دکل ، دشمنایز بیله آغلار !

سیوری حصارلی بر کویله ده « بیان الحق » رفیقیمزه آناتولینک دردلرینی ، یاره لرینی شویله آ کلاتیور :

« قوجه آناتولی بر باشند بر باشه خدایی ثابت بر حالده بیویوب میوه ویریور ، عسکر ویریور . ویرکی ویریور ، ویریور ویریور زواللی اهالی ویردکلرینک یوزینه مقابل عجباً بردانه ثمره کوریوری ؟؟ شو سوزلری یازارکن مولانا جلال الدین رومینک مثنوی شریفنده کی خاطره کلن بر حکایه یی سویله دن کچمه میه جکم .

بر عائله نك التنده سودی بول براینک وار ایش نیجه زمان بو عائله او اینکک سودیله کچمشلر یشلر ایچمشلر نهایت برکون اینک خسته لهرق اولمکه یوز طومش شفایاب اولسی ایچون اینکک کندی سودندن بر پارچه ایچرملک لازم کلش فقط صاحبی سوددن واز کچمه یور . زواللی اینک لسان حاله صاحبنه یالوارییورده دییورکه : بهی افندی شمعی یه قدر برن قوی وزنده بر حالده ایدم سودمله سنی و جوجقلریکی بسالدم . بزم یوزمدن بو قدر سنه کچندک نه اولورکه : بزم شوخسته ، زبون ، اولومه محکوم بولندیغم بر زمانده بی ینه بزم سودمله تداوی ایدهرک شومعروض قالدیغم اولومدن قورتارسه ک ؟؟ . . . بویله بیون اکهرک یالواران اینکک دوکدیک حزن کوز یاشلری او متبرد ، صرحتمز ، ایبلک بیلمز صاحبنه تأثیر ایتک شویله طورسون بر جرأتکاراق صایله رق بی چاره اینک کندی سودندن محروم ایدیلر .

لانشیه بزم آناتولی ده آلتی یوز سنه لک بر حکومت عثمانیه نك اسکی بر سودلی میوه لی برامکداریدر . بوزواللی امکدارینه ایچنده چیقان میوه سندن سودندن ثروتندن بر پارچه حصه مند اولسنی ایسته یور . ایسته یور اما ، هانکیسنی اول ایسته یه جکمی ده ش اشیران زوالیلر الی قوینده مبعوثانمز ، حکومتیز بزه هانکیسنی اول مناسب کوررسه آتی ویرسون دیه جک قدر چشم امید وانتظارینی مجلس مبعوثانده مبعوثلره دیکمشدر .

بوزواللی اهالی حقیقه شاشمش ، شاشیرمشدر . خسته لرینه دوقنور جوجقلرینی اوقوده جق معلم ، ثروتلرینی نقل ایده جک یول ، مال و جانلرینی حفظ ایده جک ضابطه لازم ، هبسی لازم

عقلمز ایرمیه ن بر سیاست

« صباح » رفیقیمز ، ایکی ده برده ، خارجیه نظارتی صیقیشدیریور : « نیچون یالکز قالیورسکز ؟ نیچون اوروپاده متشکل دولت کومه لرندن بریسنه » کیرمیورسکز ؟ « دیور . صوک نسخه لرندن برنده ینه بو پک سودیکی موضوعی آله ألوب شویله یازیور :

« صوک قرق سکز ساعت طرفنده وارد اولان پولاتیقه حوادثندن بزه تعلق ایدنلر شو ایکی ماده دن عبارتدر : کرید مجلس ملیسنده یونان قرالی